



220120



Mag. St. Dr.

P

K. komp.

Feol. 5378.

Cracoviensis Coll. S. J. Manus basilicam

Vladislav II. Regis constitutioni

(1643)

(679)

MVNVS BASILICVM
VLADISLAI IV
REGIS INVICTISSIMI.

E Regalis Ærarij adytis

220120^{III}

C A P V T

B. STANISLAI KOSTKA
è Soc. I E S V, Basilicæ Cracoũ.

SS. PETRI & PAULI, liberaliter
ATTRIBVENTIS.



Quod multò ante,

SIGISMVNDO III

Româ per Achatium GR OCHOWSKI tunc

Præpositum Plocë. Canonicum Crac. postea Episc.

Luceor. à MVTIO VITELLESKO Præp. Gñli.

Societatis, dono transmissum, in decursu
belli Chocimensis. A. 1621.

Propositum

Sub felicibus Auspicijs

ILLVSRISSIMI ac REVEREND: D.

D. PETRI GEMBICKI

DEI & Apostolicæ Sedis Gratiâ Episc. Crac.

Ducis SEVERIÆ. &c. &c.

D P M


In eâdem Basilica Tutelarem Beati ad
aram Sacris operaretur.

a.

AD ILLVSTRIS^{SMVM} & REVE-
RENDIS^{SMVM} D.

D. PETRVM GEBICKI,
Dei & Apostolicæ Sedis Gratiâ
Episc. Crac. Ducē Seueriæ
&c. &c.

De Peraugusto Donario Serenissimi VLADISLAI IV.
Collegium Crac. S. I. Diuorūq; Sacrarium no-
uâ Sacri Capitis accessione
MVNERANTIS.

 *Vi Te à publica gentium luce digressum, suo foris persecutus est auspicio, idem Tuum vicissim domi reposcit STANISLAVS, Illustrissime ac Reuerendissime Antistes. Quod Tu illi negare haud potes; memor fidei, quam in Vrbe hospes hospiti, Senator Patritio obligasti ad Aram. testatus palam, quid de eius virtutibus & prodigijs iudicares. Felix Roma, quæ tam nobilis Profugi exilia, & Cineres collegit perbeatos! Neq; idcirco minus fortunata Cracouia, quæ sub Te Insulato Capite, cum STANISLAI CAPITE Fortunam accepit VLADISLAI; sapienter omnino existimantis Basilicam vtiq; suam nisi Basilico Munere non implendam. Cui si & Tu Pontificiam Dux & Præsul faustitatem coniunxeris, & Principi Petro gratulabimur & Nobis: non ignaris FASCIAM hanc Tuam nulli aptius quàm Capiti conuenire. Et meritò STANISLAVS Caput illud, sedem ac domicilium Gratiarum inclinât venerationi, quod olim Osmano obiecerat ad terrorem. opportunè Româ aduolans, ne triumphanti Patriæ non adesset; gratulatus eidem victoriâ, cuius cursu & ipse promouisset supplicando. Quorsum enim rapidæ nubis curriculo Chocimum celerabat, quàm vt Poloniæ apportaret pacis oleam, & ancipitem belli Laurum VLADISLAO inclinaret. Cui Tu dum proximâ Cælo Mitram acclinas, Illustrissime D; eundem solennioribus ad mouendū Aris, vt sacro apotheoſeos deducas in Triumpho, vniuersa cum Europa, tam sollicitè vouemus quàm cupide præstolamur.*

Illustrissimæ ac Reuerendissimæ Celsitudini Tuz
deditissim.

Collegium Crac. Soc. IESV.

PUBLICVS PATRIÆ

PLAVSVS.

De importato in Poloniam

CAPITE B. STANISLAI.

O D E I.

TE KOSTKA nati Delicias DEI,
Regale pignus: Te IAGELONIDÆ
Munus VLADISLAI canemus

Ad Citharam veniente Famâ,

Experge factis carmine MANIBVS

Vmbrâque Mvtrî; qui Patriæ solum

Telluris, & deserta pridem

Restituit tibi rursus arua,

Non indecoro quæ pede nobilis

Tui & Tuorum Transtuga liqueras,

IESVQ; Loiolæque grandem

Militiam subiture Tiro.

Accumbe toto Lechica poplite

Accumbe tellus, Hesperio redux

Migrat STANISLAVS Trione

Ille sui Vetus exul orbis!

Salve reposti Gemma Sacrarij

Petita longo Gentibus ambitu,

Heu qualis, & quantus Parenti
Nate redis! Videoné caram
Errare sparsis cæsariem comis?
Languensque crebros inter anhelitus
Fumare pectus, innocenter
Igne rudes populante fibras?
Pugnax ab ipsâ ducit opes Amor
Viresque lymphâ! nil Sociæ manûs
Fomenta, nil, humente lino
Proficis Hippocratæa turba.
Hæc vnde sacri Lux diadematis
Frontem sereno circumijit globo?
Hic vnde concessis, Lechei
Flagrat apex radijs Iuli?
Hæc illa vultûs purpura! Viuidi
Hic flos pudoris! mentis & hæ faces!
Hæc illa Maiorum subacta
Legibus arbitrioque Ceruix!
Sic Te Quirini Municipem Remi
Polone sanguis, Patricium caput
Mitti SIGISMUNDVS poposcit
Thrace Dacos incunte fines.
Cùm præferoci turgidus indole

Osma.

Osmanus, iræ, mentis & impotens,
Tentorijs latè relectis
Moldaviæ tremefecit agros
Nepos auitæ funera Thraciæ
Ulturus. Ibas tu quoque Lechici
Contra Gelonorum phalangas
Nominis auxiliare robur,
Comes viarum septus Achatio
Achate. Rhedæ sed neque te mora,
Vertex nec Alpinus vetabat
Quin Patriæ veherêre coelo.

Simul ac Beati Caput finibus regni
importaretur, Turca pacto fædere, inglo-

rius demigrabat. Idem Beatus in acie cōspi-
citur cum Puero IESV & Deiparâ Ori-
entem versûs rhedâ inuect⁹.

O D E II.

Eccatné mendax palpebra? quò ruit
Plaustrum Boõtæ? Pacis an Arbitrū
Datur STANISLAVM tueri
Præpetibus per inane bigis
Vectum

Vectum corusco nubis in effedo?

Vides, ut implet Sidereâ Puer

Cum Matre currum? lambit Æthræ

Flammarotas, fremit axis auro,

Micant iugales auribus, vngulâ

Quassante Stellas! cedere semitâ

Gauisus Orion; minores

Erubuit Phaëthon quadrigas.

Vix manè crinem roscida lauerat

Aurora, cum iam (supplice Sarmatâ)

Prærupta collucent Chocimi,

Sacra, Die moderante, lora.

Præsens Polonæ præsidium rei

Sensere Nostri. barbarâ palluit

Phæbe, nec Osmano furendi

Mens eadem. placuit cruore

Pax empta. fædus fædere truditur,

Alternâ cessanti iurgia. mutuis

Et Thraces ignoscunt duellis

Et Lechidæ, spolijsque certant.

Nam quid Tyranni iussa? quid efferi

Votum Karacæ? quid Mareotica

Pubes, & innutrita bello

Vis Asiæ? quid Eöa regna

Contra Vetantis praelia mussitent
Edicta Diuæ? Scimus vt arbitrâ
 Belli que diuisum que Pacis
 Imperium tenuisse gaudet
Cum Matre Numen. Discite Bistones
DEO Secundam discite Principem.
 Quæ, capta Bizanti sponondit
 Mænia Bosphorios que portus.
At KOSTCIANI regia Verticis
Pulsata quondam grandine, grandinet
 Pensata gemmis: pro que nimbo,
 Irrigui pluat imber auri.
Hoc te Coronæ fidere munerat
(Ventis & imbri suppositum Caput)
 Squalor galeri. delicato
 Deme, rudes humero lacernas.
Vibrantis hoc te syrmate pallii
Longinqua stipant vellera, Persico
 Intexta filo; quam que byssum
 Ars Phrygijs variauit umbris,
Ducto que solers in tenues modos
Discreuit auro fucus Ethruriæ;
 Vel quæ paludatos Lacæna
 Finxit acus meditata cinctus.

ZBOROVIANO Singula Muneri
Debere gaudes. quòd solido, propè
Rides in argento, iocanti
Oscula congeminans I E S V.
Prædantis æui præterit invidos
Tutò latrones dextera, quam sui
Mens larga, circumstans fideli
Excubitu, latus omne munit.
Regnum Trophæis, Munificentia
Implere fastos, hæc Iagelonij
Laus prima, VLADISLAE, sceptri;
Proxima, Pacificare mundum.





Biblioteka Jagiellońska



sidr0023631

